



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola IV. Alexandri Papae II. Ad Petrvm Dalmatiae Et Slavoniae
Archiepiscopvm. Misso illi pallio, eiusdem officio grauiter incumbere
hortatur.

urn:nbn:de:hbz:466:1-15625

pessime sunt ordinati. Vnde ex auctoritate apostolorum Petri & Pauli vos admonemus, vt sicuti apostolicæ sedi reuerentiam subiectionis debetis exhibere, ita præfatam venerabili archiepiscopo vicario nostro, & vice nostra fungenti, vos vestrique episcopi impendatis, &c.

FRAGMENTVM EPISTOLÆ III.

ALEXANDRI PAPÆ II.

AD SVENONEM REGEM DANORVM.

Exigit censuma Suenone Danorum rege, quem maiores eius persoluere consueuerunt.

*Alexander episcopus seruus seruorum Dei Suenoni regi
Danorum.*

Quapropter prudentiam tuam admonemus, vt censem regni tui, quem prædecessores tui sanctæ apostolicæ ecclesiæ persoluere soliti sunt, nobis & successoribus nostris transmittere studeat: ita tamen vt non sicut oblatio in altari ponatur, sed, vt supra diximus, tam nobis, quam successoribus nostris, vt certius approbetur, præsentia- liter offeratur.

EPISTOLA IV.

ALEXANDRI PAPÆ II.

AD PETRVM DALMATIÆ ET SLAVONIÆ

ARCHIEPISCOPVM.

Misso illi pallio, eiusdem officio grauiter incumbere hortatur.

*Alexander seruus seruorum Dei Petro venerabili archiepiscopo
Diocliensis atque Antibarensis ecclesiæ salutem
perpetuam in Christo.*

Si pastores ouium sole gelique pro gregis sui custodia die ac nocte intenti sunt, & vt ne qua ex eis aut errando pereat, aut ferinis laniata morsibus deficiat, oculis semper vigilantibus circumspetant, quanto sudore quantoque cura debemus esse perugiles nos, qui pastores animalium esse dicimur? Attendamus igitur vt suscepimus

Ggg iiij

officium exhibere erga custodiam dominicarum ouium non cessemus, ne in die diuini examinis pro desidia nostra ante summum pastorem negligentiae nos reatus excruciet, vnde modo honoris reverentia inter ceteros sublimiores iudicamur. Igitur, dilectissime frater, petitionibus tuis iustis annuentes, apostolica auctoritate decernimus, ut per huius priuilegii nostri paginam sic sanctissimam Dioclesiem ecclesiam cum omnibus suis pertinentiis, Antibarensem ecclesiam cum omnibus suis pertinentiis, Eiaterensem ecclesiam cum omnibus suis pertinentiis, Palechiensem ecclesiam cum omnibus suis pertinentiis, Suatinensem ecclesiam cum omnibus suis pertinentiis, Scodriensem ecclesiam cum omnibus suis pertinentiis, Dinnastinensem ecclesiam cum omnibus suis pertinentiis, Polatinensem ecclesiam cum omnibus suis pertinentiis, Serbiensem ecclesiam cum suis pertinentiis, Boloniensem ecclesiam cum suis pertinentiis, Tibuniensem ecclesiam cum suis pertinentiis: monasteria quoque tam Latinorum, quam Græcorum, siue Slauorum cures, ut scias & hæc omnia vnam ecclesiam esse, teque omnibus prædictis locis episcopali regimine præesse.

Pallium autem fraternitati tua ex more ad Missarum solennia celebranda, sicut antecessoribus tuis concessum est, concedimus, videlicet in natali Domini, epiphania, coena Domini, pascha, ascensione, pentecoste, in natali sancti Ioannis Baptiste, natali apostolorum Petri & Pauli, & quatuor festiuitatibus sanctæ Mariæ, scilicet natuitate, annuntiatione, purificatione, assumptione, & duobus festis sancti Angeli, sic pro natalitiis quoque duodecim apostolorum, natali sancti Gregorii, & sanctorum Sergii & Bacchi, & festiuitate omnium sanctorum, atque natali tuo, & quoties ordinationem vel consecrationem ecclesiistarum celebramus. Hortamur itaque caritatem tuam, ut mores vitae tuae tanto honori conueniant, quatenus, auctore Deo exemplis verbisque possis esse conspicuus. Vita igitur tua filiis tuis sit regula, ut si quæ tortitudo in illis deprehenditur, in ea dirigatur. Cor ergo tuum neque prospera, quæ corporaliter hic blandiuntur, extollant, neque aduersa deiiciant: sed quidquid illud fuerit, virtutis puritate deuinca.

^{*forte}
^{**forsē}
decima
quinta.

Nullum apud te locum ira, odium, nullum furor indiscretus inueniat. Sacræ benedictionis tuæ, iustique iudicij opus nulla venalitatis interuentio commaculet. Sit in te & boni pastoris dulcedo, sit & iudicis severa districcio, vnum scilicet, quod innocenter viuentes foueat, aliud quod inquietos a prauitate compescat. Misericordem te, prout patiatur, pauperibus exhibe, oppressis defensio tua subueniat, opprimentibus modesta ratio contradicat. Nullius faciem contra iustitiam accipias. Nullum quærentem iusta despicias, custodia in te æquitatis extollat, vt nec diues potentia sua aliquid apud vos extra viam suadeat rationis ardore, nec pauperum de se sua faciat humilitas desperare, quatenus, Deo miserante, talis possis existere, qualem sacra lectio præcipit, dicens: *Oportet episcopum irreprehensibilem esse.* Sed his omnibus vti salubriter poteris, si caritatem magistrum habueris, quam qui secutus fuerit, a recto aliquando tramite non recedit. Ecce, frater carissime, inter multa alia ista sunt sacerdotii, ista sunt pallii ornamenti, quæ si studiose obseruaueris, quod foris accepisse ostenderis intus habebis. Crux etiam ante te, sicut ante prædecessores tuos per Dalmatiam & Slauoniam vbiique geratur. Archiepiscopatum quoque ecclesiae tuæ iuxta formam sanctorum prædecessorum nostrorum, a quorum auctoritate non debes aberrare, concedimus & confirmamus. Sancta Trinitas gratia suæ protectionis fraternitatem tuam circumdet, atque in timoris sui vos viam dirigat, vt post huius vitaæ amaritudinem ad æternam possis simul dulcedinem peruenire. Bene valete.

Subiacet his sigillum, nempe circulus quadrifidus, in formam Crucis, cum nomine eiusdem pontificis Alexandri papæ II. circumcirca eiusmodi habens inscriptionem:

* Exaltauit me Deus in virtute brachii sui.

Post sigillum ista subiicitur subscriptio post notam temporis:

Pontificatus domini Alexandri II. papæ * II. indictione * duodecima. Datum Romæ decimoquinto Kalendas Aprilis.

^{* forte I.}
^{* forte}
decima
quinta.